



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Außlegung der Episteln vnd Euangelien: von Ostern bis
auff das Aduent**

Luther, Martin

Wittemberg, 1547

VD16 L 5614

7 Wie Christus den angefochten Glauben stercket.

urn:nbn:de:hbz:466:1-37032

so mus eben das darein fallen/ das dem blutflüssigem Weib geholffen wird/ auch seinen Glauben zu stercken/ wider die anfechtung der verzweinelung an seinem töchterlin/ So ist auch Christus selbs bald da/ vnd wider solchen anflos in stercken und tröstet/ zu zeigen/ das er nicht wil auch den schwachen Glauben für den Kopff stoßen/ sonder den selben aufgerichtet vns gesterckt haben.

Vnd selbs hiemit jederman vermauet vnd stercket/ so er spricht/ Zweinele nicht/ Glenbe nur etc. Das man ja sehe/ wie jm so wol gefalle/ das nur der Glaube fest an jm halte/ das er auch dafur sorget (wo der Glaube wil schwach werden) das er nicht untergehe/ Wie er auch spricht zu den Aposteln/ vnd sonderlich zu Petro/ der doch bald gar dahin fiel. Ich habe für dich gebeten/ das dein Glaube nicht aufs höre.

Da nu Christus mit jm in sein haus komet/ da mus abermal dieses Mannes Glaube gefürmet werden/ Denn das sihet vnd höret er nichts/ denn das gerümel/ heulen vnd weinen vnd blasen der drometen (die sie auch zu jren todten leichen brancheten/ wie wir vns ser Glocken) welches alles in sein hertz schreit/ Es sey hie nichts/ denn tod/ vnd kein leben zu hoffen/ Vns hat der Glaube abermal nichts/ daran er sich wider verzweinelung erhalten kan/ we der das Wort/ so Christus wider solch tummeln vnd todten geschreyt/ spricht/ Das Meidlin ist nicht gestorben/ sondern schlafet/ darob er sich von den andern mus/ als ein Narr/ verlachen vnd verspotten lassen/ Denn sie alle gesehen vnd wussten/ das das Meidlin gestorben/ vnd da kein othe n noch füncklin des lebens mehr war/ das sie müssen denken/ Sihe/ ist unsrer Meister oder Pfarrherr toll oder töricht/ das er diesen Narren herein bringet/ der vns wil überreden/ das das Meidlin nicht tod sey/ da jederman öffentlich sihet/ das sie da liegt vom tote gestreckt/ eine tote leiche/ nur unter die erden zu scharren.

Denn sie sind hie zusammen komen in der Schulen/ als in einem gemeinen hause/ wie bey vns sind die Pfarrkirchen/ darin man am Sabbath gepredigt vñ

Gottes Wort geleret/ Weil sonst im ganzen Lande keine Kirche noch Tempel/ on allein zu Jerusalem/ sein musste. Vnd dieser Oberster der Schulen ist ge Oberster der welt/ als bey vns ein Pfarrherr/ vnd die Schule/ als andern neben jm/ als seine Capellan ein Pfarrherr der Gemeine/ oder Prediger/ so Mosen gelesen oder ge ne, predige/ die Kindlin beschritten/ die jugent geleret etc. Item/ bey den fräcken/ traurenden gewesen/ sie zu trösten.

Diese müssen da beyeinander sein in der Schule/ vnd zeugnis geben diesem werck Christi/ auch mit frem spotten vnd verlachen/ das das Meidlin wahrhaftig gestorben/ vnd vom tote auß erweckt sey/ Vnd mus dieser Oberste/ zuvor vnd ehe er solch werck ersehet/ wi der dis ergernis vnd spotten abermal an dem blosen Wort Christi sich halsen/ vnd mit jm auch ein Narr sein/ vnd in der narrheit diese geistliche weisheit lernen/ das der tod Christo wahrhaftig nicht tod/ sondern nur ein schlaff sey.

He lasst vns nu auch lernen/ mit Christo vnd diesem Schulherrn Narr werden/ auß das wir diese wort mügen verstehen/ Denn wo dieses Mans wort von der Welt verschlossen/ vnd für torheit gehalten werden/ so sind sie töftlich gut/ Denn es liegt gewislich darin verborgen die höchste weisheit in Himmel vnd auß Erden/ Denn dieser Spruch leret dich (als ein gemeiner Spruch) das auch dein tod in Christo nichts anders ist/ denn ein schlaff/ Das du alio durch vnd über den Tod ein gewölkten anblick vnd schreckliche lar schlaff in den Tod vnd grabs/ könnest sehen Christo/ in das Leben/ ja das selb in dem Tod er greissen/ So du anders auch mit dem Glauben solche wort hörest/ vnd Christum lessest war haben.

Denn es gehören hiezu nicht Küse oder Kalbs augen/ ja auch nicht Menschen augen/ Sondern solche augen/ da Christus mit sihet/ vnd solche ohren/ da Christus mit höret/ ja solche sinne vnd hertz/ wie Christus selbs hat. Eine Saw/ wenn sie sihet eines Menschen todt leib fur je ligen/ so kan sie nicht anders sagen/ denn da liegt ein Ass/ wie ein ander Ass/ das von Vögeln oder Thieren verzeret/ oder von jm selbs ver

Kr iß wesens